CLARSACH SHIOIN.

THE

HIGHLAND HYMNAL.

BY THE

REV. N. MACNEILL, LL.D.

Slasgow:

ARCHIBALD SINCLAIR, 62, ARGYLE STREET, OBAN: DUNCAN CAMERON.

1 8 8 6.

PRICE FCURPENCE.



CLARSACH SHIOIN.

THE

HIGHLAND HYMNAL.

BY THE

REV. N. MACNEILL, LL.D. LONDON.

Glasgow:

ARCHIBALD SINCLAIR, 62 ARGYLE STREET. OBAN: DUNCAN CAMERON.

1886.

ARCHIBALD SINCLAIR, GAELIC PRINTER, 62 ARGYLE STREET, GLASGOW.

PREFAGE.

I. The following pages contain (1) a se'ection from the English hymns in general use; (2) a few of the hymns used by the ancient Celtic Church; and (3) selections of verses from four of the native Gaelic hymn writers.

II. The most of the renderings are published for the first time. A few of them appeared in "Bratach na Firinn" conducted by the writer, some twelve years ago, when the country was moved by

the labours of the American Evangelists.

III. The Highlanders are a music-loving people; but various causes, especially in recent years, have conspired to prevent the circulation of hymns among them. It is pleasant to mark that these causes are now vanishing. A few years ago the author had a conversation with the late Rev. Dr. Kennedy of Dingwall, on the question, and received considerable encouragement to go on with the present work from that lamented and distinguished divine. This encouragement, emphasised by the kindly approval of other friends interested in the Highlands such as the Rev. Dr. Murray Mitchell, helped to keep the project, even in the midst of other exacting duties, before the writer's mind. These friends rightly judged that nothing could be more helpful towards the cultivation of a devotional spirit in the Highlands than the circulation of Gospel hymns. They were well aware that even the hymn-poems of Buchanan and Grant are not extensively read; and wished to see something new in a cheap form placed in the hands of our countrymen. The present little volume is a first instalment in that direction.

IV. It is hoped that these translations will be found idiomatic, natural, and fresh; and that the attempt to overcome the "fatal facility" of mere vowel rhymes has been fairly successful. These are almost the first Gaelic compositions in which accurate conso-

nantal rhymes are observed throughout.

V. The author trusts that he will not be recarded as presumptuous in sending forth this effort among the Gaelie-speaking High-landers. From the period of his very boyhood he has interested himself in Highaud Hymnology. His heart has always been in the subject; and he has served a long and devoted apprenticeship to the attainment of what Wordsworth calls the "accomplishment of verse." Through the kindness of the Rev. Professor Blakkie, D.D., he has been enabled to give some account of Celtic Hymnology in The Cathout Preserversham, in the articles "Hymno of the Highlands," and the "Latin Hymno of the Ancient Celtic Church," studies which have brought him into contact with the very heart and genius of the sacred muse of his native lend.

VI. The size and price of this little work bring it within the reach of all; and the prayer of the translator is that these sacred songs may become conduits of rich blessing to his Highland country-

men.

N. MACNEILL.

London, 1st June, 1886.

CONTENTS.

		PAGE
An C. Salm ("The Hundredth Psalm," in L.M.	.) .	7
Creag nan Al ("Rock of Ages.")		7
Tha mi làn aoibh ("I am so glad.")		8
Guth Iosa ("I heard the voice.")		9
Gu dé is ciall (" What means this.")		10
Nach milis uair ("Sweet hour.")		11
A Pharrais Gaoil ("O Paradise.")		12
Stiùir mi ("Lead, Kindly Light.")		13
A mhain tre ghras ("Free from the law.")		14
Bualadh, bualadh ("Knocking, knocking.") .		15
Sgaoileadh an t-Soisgeil ("From Greenland's.")		16
A' Bhunait (" Hymnum dicat.")		17
Comunachadh ("Sancti Venite.") ,		18
Athair ghràsmhoir ("Noli Pater.")		19
An Lighiche ("The Great Physician.")		20
A' Mhuinntir Chaillte ("Rescue the Perishing.") .	2I
An Seann Sgeula ("I love to tell the story.").		22
Gléidh an Dùn (" Hold the Fort.")		23
An Fhois Shìorruidh ("My rest is in heaven.")		24
Stiùradh Iosa (" He leadeth me.")		25
Feuch an Gaisgeach ("He is coming.")		26
Là an Tighearn ("This is the day.")		26
A Thighearn Ios' ("Again returns.")		27
Air sgàth an Tì ("Father, behold.")		28
Fad as o shaoghal ("Away from.")		28
Eifeachd Fuil an Uain, P. Grant	•	29
Là a' Bhreitheanais, D. Buchanan.	,	30
Aig Bruaich Iordain, Dr. Macdonald.	٠	31
Parras, Macdougall.	•	32
Sgaoileadh ("Dismiss us with Thy blessing, Lord	, ,,,	32
ognorement (Tremies as with Tith Messing) Hore	.)	04



CLARSACH SHIOIN.

AN C. SALM.

O molaibh Dia le aoibhneas mòr, Gach sluagh tha chòmhnuidh feadh an t-saogh'il; Thigibh le seirbhis ait 'na chòir, An làth'ir a ghlòir a' seirm a ghaoil,

An Tighearn is e Dia gu fìor; Se 'n Tì a chruthaich sinn 'na ghràdh; Tha sinn 'nar n-oighreachd dha gu sìor, A chaoraich ni e dhìon gach tràth.

Rachaibh a steach 'na dhorsa grinn Le buidheachas a' seinn a chliù; A steach 'na chùirt le òran binn Ainm molar leinn le ceòl nach mùth.

Ar Tighearn Dia! Tha math 'na dhàil; Tha thròcair sìor 'na sgàil nach claoidh; Tha fhirinn seasmhach do gach àl; Is buadhach anns gach àit a chaoidh.

2. CREAG NAN AL.

(" Rock of Ages.")

Sgoilte dhomhs', a Chreag nan Al! Foluicheam mi féin a' d' dháil! Bíodh an tuisge is an fhuil Shruth o d' thaobhaibh ciùirt' mar thuil Leigheas luibhre gach droch bheirt; Glan mi o a ciont' s a neart. Cha toir saoth'ir mo làmh gu beachd Riar do iarrtuis dhian do reachd; Ged bhiodh m' eud gun fhois a ghnàth, Is mo dheòir a' ruith gu bràth Sud cha deanadh réit' do Cheart; Seorar leatsa mhàin le d' neart.

Tha mi teachd gu falamh, fann, Mhàin a' greimeach ris a' Chrann : Lomnochd teicheam fo do sgàil ! Anmhunn, ruigeam Neart nan Al ! Salach, iarram sruth nan gràs ! Glan mi, Ios', oir gheibh mi bàs !

Fad's a mhaireas m' anail beò, 'N uair a bheir mi suas an deò, 'N uair a thogar mi le d' chli T' ionnsuidhs' air do chathair-rìgh, Cuir do dhìon orm Chreag nan Al, Foluicheam mi féin a' d' dhàil!

3. THUG IOSA DHOMH GRADH.

("I am so glad.")

Tha mi làn aoibh gu 'm bheil Athair na Glòir Ag innse 'na Leabhar mu ghràs air son foir ; Measg nan ni luachmhor tha 'm Biobull ag ràdh So 'n t-aon a's mils' gu 'n d' thug Iosa dhomh gràdh. Tha mi làn aoibh gu 'n d' thug Iosa dhomh gràdh, Ios' thug dhomh gràdh, Ios' thug dhomh gràdh, diomhsa gràdh.

Ged ni mi air dichuimhn' 'sa thriallas mi cli A ghaol tha 'g am leantuinn 's gach àit 'sam bi mi; Phillinn gu ghàirdeanan gaoil agus àigh 'Nuair dh' éireas a'm' chuimhn' gu 'n d' thug Iosa dhomh gràdh. O! ma tha aon òran ann ni mi sheinn 'Nuair chi mi A Mhòrachd 'na Mhaise ro ghrinn, So bidh 'na òran gun chrìch leam gu bràth, "O'n t-ioghnadh mòr gu 'n d'thug Iosa dhomh gràdh!"

Thug Iosa dhomh gràdh is tha gràdh agam dhà 'Se ghaol chuir gu 'n d' fhuiling e 'm bàs air mo sgàth; 'Se ghaol thug a nuas e a m' shaoradh o chràdh— O tha mi cinnt' gu 'n d' thug Iosa dhomh gràdh!

Ma dh' fheòraicheas neach dhiom cò dh' innis an sgeul? Glòir bhi do Iosa chuir esan an céill; A Spiorad tha cagar le m' spiorads' gach tràth, Toirt fianuis nach meall, gu 'n d' thug Iosa dhomh gràdh.

'San dearbh-bheachd so fhuair mi fois shòlasach fhìor ; Tha m' earbsa á Iosa nach tréig mi gu sìor ; Tha Satan a' teicheadh o m' anam fo sgàth. 'Nuair chanas mi ris, gu 'n d' thug Iosa dhomh gràdh,

GUTH IOSA.

4.

(" I heard the voice.")

Guth Iosa chuala mi ag ràdh,
"Thig làinh rium, thus' tha fann;
Gabh fois is leag air m' uchd a sìos,
Air m' uchd leag sìos do cheann!"
Gu Iosa thàinig mi mar bha,
Sgith, claoidhte, làin do leòn;
Is fhuair mi gu'n robh aoibhneas Ann,
Is fois nach gann o bhròn.

Guth Iosa chuala mi ag ràdh,—

'Feuch so an t-uisge beò;
Crom, òl gu saor is dùisg o'n bhàs,
'S na bìodh ort tart ni 's mò"
Gu Iosa thàinig mi is dh' òl
Do'n amhain bheò bhithbhuan;
Is dh'fhalbh mo thart, fhuair m'anam treòir;

'S a nis mi beò tre 'n Uan.

Guth Iosa chuala mi ag ràdh,—
"O seall air m' aghaidh ghaoil;
Is deàrsadh mhadainn shoills' thig ort,
Oir 's mise grian an t-saogh'il.'
Air Iosa sheall mi agus fhuair
Mi ann mo reul 's mo ghrian:
'S tre 'n t-solus bheò ud stùrraidh e
Mo cheun or rib 's o lion.

5. GU DE IS CIALL.

(" What means this.")

Gu dé is ciall do'n deifir chruaidh, Do'n iomagain mhòir so 'm measg an t-sluaigh? Na cruinneachaidh so o là gu là A' dian-ruith seachad orm gach tràth? Am freagradh fann tha aig gach neach, "Tha Ios' o Nasaret dol seach."

Cò e an t-Iosa so? An géill Am baile mòr mar so d' a sgeul? An urrainn coigreach aig a mhiann An sluagh a ghluasad fo a rian? Gheibh thu a ris am beul gach neach, "Tha Ios' o Nisaret dol seach."

Iosa! A bha aon uair a bhos Air slighe dhaoin' measg broin gun chlos; Thugadh d' a ionnsuidh, 's iad 'nan teinn, A' mhuinntir bhodhar, bhacach, thinn. 'Sa' ghlaodh na doill ghabh thachd gach neach, "Tha Ios' o Nasaret dol seach."

Thig e a ris! A lorga naomh Chì sinn o àit gu àit gach taobh. A cheuman aig ar starsnaich cluinn,— Seadh,—tha e steach is fanaidh leinn. Nach seinn sinn le mòr aoibh gach neach, "Tha Ios 'o Nisaret dol seach." O! thigibhs' tha le 'r n-uallach sgith! So math'nas, dachaidh, fois, is sith. A sheachranaich o'r n-Athair caomh Pillibh is glacaibh fhàbhar naomh. A mhuinntir bhuairt', so dìon gach neach, "Tha Ios' o Nasaret dol seach."

Ach fath'st a ghairm ma dhiùltas sibh,
'S mi-bhuil d' a ghràdh ma nithear leibh,
Pillidh e duilich uaibh gu geàrr,
'S e air bhur n-ùrnuigh dheur a' tàir.
'' Ro anmoch!'' bidh bhur glaodh 's sibh mach—
"Tha Ios' o Nas'ret air dol seach !''

UAIR NA H-URNUIGH.

("Sweet hour.")

Nach milis uair na h-ùrnuigh ghaoil! A ghairmeas mi o chlaoidh an t-saogh'il, Tromhadsa innseam na tha m' dhith Do m' Athair air a chathair-righ: 'Nuair bha mi 'n teinn agus ri bròn Fhuair m' anam annad saors' o leòn! 'S tric chaidh mi ás o rib an t'saogh'il, 'Nuair phill thu rium, O Uair a' ghaoil.

Nach milis uair na h-ùrnuigh ghaoil! Do sgiath bheir m' iarrtus suas gu faol A dh'ionnsuidhsan tha dileas dlùth Do 'n anam dh' fheitheas air le h-ùigh; O'n dh'iarr e orm a bhi an sàs 'Ga iarraidh Féin, is earbs' á ghràs, Nis tilgeam air gach claoidh nu sgaoil, Is feitheam riuts', O Uair a' ghaoil!

7.

Nach mills uair na h-ùrnuigh ghaoil! Le t' fhurtachd fòir orm ré mo shaegh'il, Gu 'n gluais mi o Bheinn Phisgah uain' A' faicinn thall mo dhachaidh bhuain. An sgàile feòl' so fàgaidh 'm dhéigh Is paisgear mi 'n deis' glòire Dhé; 'S mi 'g digheach suas troimh speur an t-saogh'il, Slan leat, sl.m leat, O Uair a' ghaoil!

A PHARRAIS GAOIL.

(O Paradise!)

A Pharrais gaoil! A Pharrais gaoil!
Nach aobhach leinn do ghlòir?
Nach bennnaicht' iad a dh' fhàg an saogh'l,
Gach aon bha ortsa 'n tòir?
Far bheil gach eridhe fìor
An soillse Dhé fo bhlàth;
Aig fois an sòlas shor
Fo ghnùis an Itìgh gu bràth.

A Pharrais gaoil! A Pharrais gaoil! Tha 'n saoghal seun le crìdh! O cò nach iarradh saorsa shuas Far nach tig fuachd air gràdh? Far bheil gach cridhe fior An soillse Dhé fo bhlàth; Aig fois an sòlas sìor Fo ghnùis an Rìgh gu bràth.

A Pharrais gaoil! A Pharrais gaoil!
'Se naomhachd glaodh ar crì;
Bhi glan uir thalamh mar air nèamh,
An lànachd sgèimh is sìth.
Far bheil gach cridhe fìor
An soillse Dhé fo bhlàth;
Aig fois an sòlas sìor
Fo ghnùis an Rìgh gu bràth.

A Pharrais gaoil! A Pharrais gaoil! Is caomh leinn a bhi shuas, 'S na h-àrois ud a thog ar Rìgh Le innleachd gràidh, 's le truas. Far bheil gach crìdhe fìor An soillse Dhé fo bhlàth; Aig fois an sòlas sìor Fo ghnùis an Rìgh gu bràth,

A Pharrais gaoil! A Pharrais gaoil!
Tha làithean claon 'gar claoidh;
Le Iosa féin 'se 's miannach leinn
Bhi seinn 'na chòir a chaoidh.
Far bheil gach cridhe fìor
An soillse Dhé fo bhlàth;
Aig fois an sòlas sìor
Fo ghnùis an Righ gu bràth.

8.

STIUIR MI.

(" Lead, Kindly Light.")

Stiùir mi, a sholuis chaoin, 's an dùmhladh dhall, Stiùir Féin mi suas ; Tha 'n oidhche dorch', 's mi fad o m' dhachaidh thall, Stiùir Féin mi suas : Gléidh dhomh mo chas; cha 'n iarrar leam bhi leum Gu astair chéin; 's leòir leam 's an àm aon cheum.

Cha robh mi ghnàth mar so ag asluch' iùil A m' stiùradh suas ;

Thagh mi mo shlighean féin; ach nis fo d' shùil, Stiùir Féin mi suas; Ghlac uaill mo thoil, 's mi roghnach' sòlais fhaoin:

Na cuimhnich Thusa ciont' nam bliadhna claon.

Bheannaich do neart mi gus a so, 's mi fann, Stiùir Féin mi suas; Troimh'n oidhch' thar monadh, creag,is allt's a' ghleann: Seall Féin a nuas

Measg aghaidh fhaoilidh ainglean mach á glòir, D'an d' thug mi gràdh o chian, 's a rinn orm fòir.

9. A MHAIN TRE GHRAS.

("Free from the law.")

Saoirte o'n lagh, O 'n suidheachadh sona! Dhòirt Crìosda fhuil, 's tha math'nas innt' dhuinne! Malluicht' o'n lagh, aig peacadh an sàs, Saorar le Crìosd a mhàin tre ghràs.

Crìosd a' gairm, O pheacaich, bi géilleadh! Crìosd a' seirm, O bhràth'ir, creid an sgeula! Lean ris a' Chrann, 's théid t' anam á càs Saorar le Crìosd a mhàin tre ghràs. Dìteadh cha tig—nis tha sinn á daorsa, Fhuaradh le Iosa iomlanachd saorsa; "Thigibh a m' IONNSUIDHS' "—gairm ort o'n bhàs; Thig's gheibh thu slàint' a mhàin tre ghràs.

Sibhse, "Clann Dé!" O'n dàimh àrd ro ghràsmhor! 'S cinnteach a ghràs a'r dion o'n t-sligh' bhàsmhoir! Triall ás a dhéigh gu beatha o bhàs. Teàrneadh bhios sior a mhàin tre ghràs.

10. BUALADH, BUALADH; CO A TH' ANN?

("Knocking, knocking.")

Bualadh, bualadh; cò a th' ann? Feitheamh, feitheamh'n glòir nach gann! Tha Fear-turuis coigreach rìoghail, Leith'd cha'n fhacas roimhe riamh; M' anam éirich, fosgail faolaidh; Faic am braon a th' air a chiabh.

Bualadh, bnaladh; sud an Rìgh; Feitheamh, feitheamh, caomh an crì; Ach tha 'n dorus duilich fhosgladh, Oir tha eigheann 's luidhean teann Le am meanglain dhorch' gun mhosgladh Naisgte mu na boinn 's mu'n chrann.

Bualadh; sud an Slànuighear caomh Feitheamh fathast àillidh naomh; Fath'st tha làmha loite bualadh, 'S chì thu fo a chrùn a's fiù Dealradh foighidneach a shùilean Tha cho ciùin 's e feitheamh dlù.

11. CRAOBH-SGAOILEADH AN T-SOISGEIL.

("From Greenland's,")

O bheannta Tìr na fuarachd,
'So bhruaich na h-Induis mhòir;
'S o Africa nam fuaran
O'n gluais a' ghaineamh òir;
O iomadh amhain aosda
'S o raointibh nam pailm-chrann,
Tha gairm againn a shaoradh
Chinn-dhaonn' o mhearachd teann.

Ged shéideas gaothan spisreach
Air Céilon, I nam buadh,
'S gach sealladh eile riomhach
Tha dhaoine millte truagh:
Tha thodhac' Dhé an dìomhain
Gu lìomhor air gach taobh:
Tha'n cinneach dorcha fiat' ud
Le diathan chlach is chraobh.

'N dean sinne fhuair ar sùilean Tre ghliocas iùil o shuas An lòchran beath' a dhiùltadh Do'n dream tha 'n duibhr' gun truas? An t-Slàinte!—O an t-Slàinte!
An sgeul ro àghmhor seirm,
Gu'n cluinnear leò 's gach àite
Messiah ghràidh 'gan gairm.

Sgaoil, sgaoil, O ghaoth an sgeula, A thuil ruith réis gu teann, Gu'm bi e mar chuan dibhnis Mu'n ché o cheann gu ceann : Gu'm bi an t-Uan chaidh iobradh A' ciosnachadh gach crì, '8 na h-uile Dha a' strìochdadh Mar Shlàmuighear '8 mar Rìch.

12. A' BHUNAIT.

("Hymnum dicat.")

O Chrìosd is Tus' am Facal fìor A thàinig mach o chrìdhe Dhé! Is Tu an t-slighe dhuinn gu sìor; Is Tu an Fhirinn feadh gach ré.

An iarmad Iesse fhuair Thu freumh; Is Tu an Leòghan is an t-Uan; Deas-Làmh an Athar tha air nèamh; Is theirear riut a' Bheinn tha buan.

Is Tu Chlach-oisin anns an stéidh; Céile is Calman caomh do shluaigh; Am Buachaill air an bheil ar déigh, Ar Rathad soills' troimh bhàs is uaigh. 13.

'S na Fàidhibh gheibhear sgeul do theachd,— Do bhreith ad Chìochran maoth is seàmh; Na saoghail chruthaicheadh le d' reachd; 'S Tu this nan uile, Cruithear Nèimh.

An talamh shocruich Thu le d' chlì; 'S Tu thionail uisge mòr a' chuain; 'S Tu Cruithear treun nau uile ni A dh' òrduich Dia le lagh bith-bhuan.

AN COMUNACHADH.

("Sancti Venite.")

Thigibh dlù a mhuinntir chaomh; Gabhaibh corp an Tighearn naoimh; Olaibh d'a fhuil naomh le gràdh A ni saor o chiont 's o chràdh; Saor troimh chumhachd Chrìosd o'n bhàs; Thugaibh glòir do Dhia nan gràs.

Slàinte thàinig Leis do'n t-saogh'l Troimh chrann-ceusaidh Mac a Ghaoil; 'S e Immanuel gu sìor Sagart àrd, an Iobairt fhìor; Iobairtean bha ann fo'n lagh Fhuair an ceusadh Ios' an seadh.

A fhartair na soills', 's an iùil Leisuair slàint' air son gach dùil'; Leis-san thàinig àgh is aoibh,— Fìrinn agus gràs d'a naoimh ; Thigibh dlù le cridhe blàth ; 'S gheibh sibh slàint' is dìon gu bràth.

Buachaill is Fear-dìon a shluaigh A thug dhoibh a' bheatha nuadh ; Bheir e dhoibh an t-aran fìor, Uisge beò o'n Tobar shìor; Alpha 's Omega nan gràs, 'S e bheir breith an déigh a' bhàis.

ATHAIR GHRASMHOIR.

("Noli Pater.")

Athair ghràsmhoir! Rìgh an cruinne!
Glèidh do thruaghain anns gach sìon:
'Suamhasach do chaithream dhuinne;
Anns a' chunnart dean oirnn dion.
Chuir do cheuman soluis fiamh oirnn
Nuair a thriall Thu seach ar taobh;
'S chuir do ghluasaid nèamhaidh sgiamh oirnn,
Cuairtichte le ainglibh naomh.

Iosa ghaolaich! Tha na nèamhan A' toirt sgeula air do chliù: Rìgh nan rìghrean! Freumh nam freumhan, Gràdh gach seircein creidmhich Thu. Tha do cheumansa troimh 'n dealan; 'S cll is ceartas roimh do ghnùis, O'n tig neart tha beò is fallan A chruth-ath'rraicheas gach cùis.

Spioraid Naoimh! Loisg uainn ar lochdan: Seall dhuim Crìosd an t-Uan gun bheud, Mar a nochdadh e do bhochdan Leis a' Bhaisteach làn do cud. Tha do lasair ghaoil am chridhe, Glèidhteach mar bhios seudan oir; 'S bidh do stùradh air mo shlighe Gus am faigh mi steach a' ghlòir.

AN LIGHTCHE MOR.

("The Great Physician.")

Tha iocshlaint aig an Lighich' Mhòr; Tha tròcair 's truas an Iosa! Tha slàinte ann nach ceannaich òr; Tha sòlas an guth Iosa!

> Sud an teud is mils' an glòir; Sud am fonn th' aig aingle mòr; Sud an t-ainm a ni oirnn fòir: Iosa beannaicht', Iosa!

Do pheacadh maithidh E 'na ghaol : O eisd ri caomh ghuth Iosa ! An sìth bi 'g imeachd suas tre 'n t-saogh'l A dh' fhaotainn crùin le Iosa !

O mol an t-Uan thug dhuinn a' bhuaidh: Tha m' earbs' gach uair an Iosa! A chliù bidh mi gach là a' luaidh, 'S mo ghràdh cho buan do Iosa! 'Na ainmsan ni mi oidhirp dhian, 'S mo chrìdhe 'g iarraidh Iosa! Is O, tha m' anam làn do mhiann Air aghaidh sgiamhaich Iosa!

16. A' MHUINNTIR CHAILLTE.

("Rescue the Perishing.")

Feuch na tha bàsachadh,
Deifrich an saoradh;
Spìon iad á daorsa a' pheacaidh 's na h-uaigh:
Caoidh leis na seacharain;
Tog snas an diblidh;
Innis mu Iosa. Fear-saoraidh le buaidh.

Feuch na tha bàsachadh, Deifrich an saoradh, 'Se Iosa ni teàrnadh, Tha Iosa làn truais.

Feuch tha e 'g iarraidh,—
'G iarraidh nan deòraidh a sheòladh á cràdh :
'Tagair riu dùrachdach,
'Tagair riu caomhail,
'S maitheanas saor do gach aon bheir dha gràdh,

Iadsan riun dimeas air

Shìos anns a' chrìdhe thruagh, Brùite le buaireadh, Freumhan tha fuaighte dh'ath-nuadhaicheas gràs : Gleus iad le tairiseachd, Dùisg iad gu caoimhneil, Còrdan an aoibhnis a bhris anns a' bhàs. Feuch na tha bàsachadh,
Greas chum an saoraidh,
Neart ann ad shaothair thig saor dhuit gu buan:
Tog suas le foighidinn
Bròin tha 'nan sineadh:
Innis dòr diblidh mu iobairt an Uain.

17. AN SEANN SGEULA.

("I love to tell the story.")

Is toigh leam féin an Sgeula
Mu nithe nèamhaidh shuas;
Mu Jos' 's mu'n iobairt-réite,
Mu mheud a ghaoil 's a thruais.
Is toigh leam féin an Sgeula
A chionn gu'm bheil e fior;
'Se riaraiches m' uil' fheuman
Le lànachd spéis gu stor.

Is toigh leam féin an Sgeula: Bidh mi 'ga sheinn 's na nèamhan: An sud fhuair mise seula Air Iosa féin, 's a ghràdh.

Is toigh leam féin an Sgeula;
Mu ghnè a' bhaile naoimh;
Mu ghlòir an Tì chaidh cheusadh,
Mu sgèimh a phearsa chaoimh.
Is toigh leam féin an Sgeula;
Mu Josa air a' chrann;
Mu mheud a chumhachd teàrnaidh,
'S mo chridhe fìs cho fann.

Is toigh leam féin an Sgeula;
Mu'n Tì a choisinn buaidh;
A fhuair dhomh slàint' 's mi cuslan,
A cheannsaich bàs is uaigh.
Is toigh leam féin an Sgeula;
'Sna briathra sèamh is caomh;
Bheir e gu m' anam éibh neas
Le seul' an Spioraid Naoimh.

Is toigh leam féin an Sgeula:
Na chreid ann fhuair iad fois;
Bidh tart orm bhi 'g a éisdeachd
Cho fad 's a bhios mi bhos.
Bidh e 'n a òran nuadh dhomh
Air cluanaibh réidh na glòir';
—
An Seann Seann Sgeula luachmhor
Dh' an d' thug mi luaidh cho mòr.

18. GLEIDH AN DUN.

("Hold the fort.")

Seallaibh suas! sud Bratach aobhach Sgaoilte ris na ueòil: Cuideachadh a' tigh'nn an sealladh Caithreamach le ceòl.

"Glèidh an Dùn tha mise tighinn,"
Sud tha Iosa 'g ràdh:
Suas le suaicheantas an fhreagairt,—
"Gleidhidh sinn tre ghràs!"

Feuch na naimhdean guineach làidir,—Satan air an ceann:
Tha fir threun a' tuiteam cràdhte,
'S tha ar misneach gann.

Feuch a Bhratach-san a' teannadh : Cluinn na stuic a' gairm : Bidh sinn buadhach tre ar ceannard : Caithear nàimh le 'n airm.

Dian is dìogh'ltach tha an còmhrag Ach ar seòid tha cruaidh : Dlùth dhuinn tha ar Ceannard glòrmhor ;— Suas le òran buaidh !

19. AN FHOIS SHIORRUIDH.

("My rest is in heaven.")

'S ann shuas a tha m' fhois, cha' n' eil m' fhois anns a' ghleann;
'S c'arson bhios mi gearan 'sna buairidhean teann?

'S c'arson bhios mi gearan 'sna buairidhean teann ? Bi sàmhach, O m' anam ! ged 's cruaidh ort am beum Tha trioblaid gach latha a' giorach' do cheum.

O's dìomhain an obair, 's an togail gun stà! Th' aig dòchas 's an t-saoghal, 'se caochladh gach tràth: Tha m' earps' ás a' Bhunair nach caraich 's nach claon Fo bhaile nan naomh nach do thogadh le daoin'.

Ged dh' iadhas an draigheann 's an cluaran mu m' chois Air ròsan an t-saoghail cha ghabhar leam fois : Cha'n iarr mi ann cuibhrionn no crannchur nach gluais Gus an ruig mi uchd Iosa 's an dachaidh tha shuas.

'S na h-uisgeachan searbha cha leig e mo chall:
'Nan deighsan bidh Pàrras ni's milse dhomh thall:
Gach ni thig am rathad an aoibhneas no 'm bròn
Mo shonas bidh lan 'n uair a leighiseas e'n leòn.

Le Crìosda 'nam chridhe, le Fhacal 'nam làimh, Mo chasan tha 'n deifir troimh fhearann an nàimh: Is garbh 's mar tha'n t-slighe cha 'n fhada gu ceann, Is triallam gu buadhach gach latha troimh 'n ghleann.

20. STIURADH IOSA.

("He leadeth me.")

'S E-féin a bheir dhomh neart is iùil;
Tha sòlas dealrach dhomh 'na shùil;
'S gach àite anns am faigh mi tàmh
Tha mi an glacadh caomh a làmh.
'S E-féin bheir gràs, 's E-féin bheir treòir,
'S E-féin a shiabas nam mo dheòir.

'Na uairean ann am dhoimhne thruaigh, Is mi ri bròn aig beul na h-uaigh, Is m' anam bochd gun ghràs gun treòir, 'S e Iosa shiab air falbh mo dheòir.

A Thighearn glacar leam do làmh, 'S air uchd do ghaoil ni mise tàmh; Is chithear leam gu ceart do ghlòir 'N uair shiabas Ios' air falbh mo dheòir.

'N uair chrìochnaicheas an réis a bhos, 'N uair théid mi steach fa-dheòidh do chlos, Saor o na h-uile bha orm an tòir, '3 e shiabas uam gu tur mo dheòir.

FEUCH AN GAISGEACH.

("He is coming.")

Feuch an Gaisgeach! teachd gu buadhor Nuas o àirde glòir; Teachd le saorsa chum nan truaghan Tha san uaigh gun treòir.

Seinnear: "glòir do Dhia 'sna h-àirdibh, 'Sair an talamh sith!"

san t-seirm bhios sinn a' seinn Dha,—
"Leanar leinn an Rìgh!"

Seall air Iosa aig an amhain; Mòrachd Dhé 's an fheòil; Faic an caochladh anns an athar,— Fosgladh anos na neòil.

Fench tre 'n sgoltadh anns na neamhan Spiorad Dé a' teachd : 'S cluinn an t-Athair : " Mo Mhac Gràdhach Anns am bheil mo thlachd!"

22. LA AN TIGHEARN.

("This is the day when Christ arose.")

'S e so an là 's an d' éirich Crìosd A nìos gu moch o'n uaigh : C'arson a' chaithinns' e mi-naomh Gun smaointean air a' bhuaidh ? 'Se so an là a bhristeadh Leis Bainn ifrinn is a' bhàis : Fo chuing an Nàimh an gabh mi fois Gun iarrtus an déigh gràis ?

Bidh m' aoradh truaillidh agus faoin Mur tig, Thu, Spioraid Dhé, Gu m' anam bheothachadh le gaol Do nithe naomh an Tréith.

Thoir orm gu'n gabh mi tlachd bhios mòr 'N ad là os cionn gach là ; Gu'n seachain mi gach aon do'n t-seòrs' Nach coimhead e le gràdh.

LAOIDH MHADAINN.

2.3.

(L.M. Tune.)

A Thighearn Ios'! nach mòr do ghràdh! Do mhaitheas dhomh tha ùr gach là: Do thròcair pailt tha teachd a nuas: Mar fhrasa seamh tha braon do thruais.

A Spioraid Naoimh! d'an léir gach dùil, Sgap Féin an dorchadas o m' shùil: Ath-bheothaich mi a mach á m' shuain; Is dean mi glan am fuil an Uain.

O Athair chaoimh! gabh Féin gach buaidh, Gach là an taobh a bhos do'n uaigh! Oir tha do mhaitheas dhomh thar smaoin Do ghineil aingidh chlann nan daoin'.

24. LAOIDH FHEASGAIR.

(C.M. Tune.)

Air sgàth an Tì d' am bheil do ghràdh, A Dhé gabh dhiomsa truas : Mar ìobairt fheasgair ann ad làth'r, Nis éireadh m' ùrnuigh suas.

Tre chunnarta an là gu léir,
Do ghnúis rinn dhomhsa iúil :
Ad shaibhreas fhritheal Thu air m' fheum,
Is m' easbhuidh chuir air chúil.

O dòirt gu pailt do ghràs a nuas, Is dean mi nuadh ás ùr: Thoir dhomh beò chreideamh anns an Uan, A thogas suas o'n ùir.

Mar sin air m' ùrach' á do stòr Luidheam gu fòil an snain; Is innleachd nàmh cha tig a m' chòir, 'S mi 'n uchd a' Ghràidh bhith-bhuain.

AN DACHAIDH SHUAS.

(C.M. Tune.)

Fad ás o shaoghal dorch' an deòir 'Sam bheil ar còmhauidh bhos, Tha rìgheachd sgiamhach, shìorruidh, mhòr Tha làn do ghlòir, 's do fhois.

Cha bhi ann là is oidhch' ma seach, No grian le teas ro dhian; Ach o a shùil thig dears' a mach Is dealraiche na ghrian. Ocras no tart cha bhi an sin, No uireasbhuidh n's mò: Tha Manna nèamhaidh ann gun chrìch, 'San t-uisge fiorghlan beò.

Cha bhi aon ghearan ann gu bràth Air tinneas, cràdh, no claeidh: Tha slàint' neo-bhasmhor ann fo bhlàth, Is sonas àrd a chaoidh.

An sin bidh eòlas agus gaol, A' dusgadh ciùil ro bhinn; Is togar ann do'n Trianaid naoimh Ard luathghair feadh gach linn,

A Dhé thoir orms gu'n strìochd mi tràth Do d' shoisgeul gràsmhor caomh, A chum tre Chrìosd 'uuair thig am bàs Gu'm meal mi d' àros naomh.

EIFEACHD FUIL AN UAIN.

O! 's ann tha 'n éifeachd am fuil an Uain; A chum ar n-euceartan ghlanadh uainn; Ach 's bochd an sgeul a ta nis ri leughadh, Nach 'eil spéis dhi a réir a luach.

Tha daoine gòrach air seòl no dha; Cha'n àill leo dòchas a chur 'na bhàs; Bidh iad gun scòladh, a dhìobhail eòlais, Air 'n fhuil chaidh dhòrtadh a chum ar slàint'.

'San dream thug spéis da cha dean iad uaill; O'n is e chaidh cheusadh an sit' a shluaigh; Cha'n ann diubh féin a fhuair iad an réite, Ach leis an éifeachd bha 'nn fuil an Uain. Is 's e féin do'n éigin an cumail suas Air uair thig deuchainnean iomadh uair; Tha mheud do thruailleachd ag iadh' mu'n cuairt doibh 'S nach fhaigh iad buaidh ach le fuil an Uain.

Tha daoine saoghalt' an gaol gach uair, Is ann air na caoraich a thaobh a'n Uain; 'S tha 'n leòghan beucach a ghnàth a' saoithreach, Dh' fheuch cò dh' fheudas e shlugadh suas.

O fanaibh dlùth chum 's nach toir e buaidh; Na tugaibh géill dha is théid e uaibh; 'S a shaighdean teinnteach ni sibhse mhùchadh O'n rinn sibh cùmhnant le fuil an Uain.

27. LA A' BHREITHEANAIS. (L.M. Tune.)

Air meadhon oidhch' 'nuair bhios an saogh'l Air aomadh thairis ann an suain ; Grad dhùisgear suas an cinne-daonn' Le glaodh na trompaid 's àirde fuaim.

Air neul ro àrd ni fhoillseach' féin Ard-aingeal treun le trompaid mhòir; Is gairmidh air an t-saogh'l gu léir, Iad a ghrad éiridh chum a' mhòid:

"O cluinnibhi uile chlann nan daoin', Nis thàinig ceann an t-saogh'il gu beachd; Leumaibh 'n 'ur beatha sibhs' tha marbh, Oir nis gu dearbh tha Ios' air teachd."

Is séididh e le sgal cho cruaidh 'S gu'n cuir e sléibhte 's cuan 'nan ruith ; Is clisgidh na bhios marbh 's an uaigh, Is na bhios beò le uamhunn crith.

'N sin cruinnich' e gach cas is làmh Chaidh chur 's an àraich fad o chéil'; 'S bidh farum mòr am measg nan cnàmh, Gach aon diubh dol 'nan àite féin. Mosglaidh na fìreanaich an tùs, Is dùisgear iad gu léir o'n suain; An anman tùirlingidh o ghlòir, 'Gan còmhlachadh aig beul na h-uaigh,

Le aoibhneas togaidh iad an ceann; Tha àm am fuasglaidh orra dlùth; Is mar chraoibh-mheas fo iomlan blàth, Tha dreach an Slanuigheir 'nan gnùis.

28. AIG BRUAICH IORDAIN.

("'Se fulangas mo Shlànuigheir.")

Tha 'n fheòil a' crith, 's cha 'n ioghnadh e, Dol sìos gu Iordan bàis ; Tha sgàil na h-oidhch' ag iadhadh orm,

'S tha cianalas a' fàs;
Oir 'se tha romham siorruidheachd
Nach tomhais grian no là;—
An cuan a ta neo-chrìochanach,

Gum ìochdar ann no tràigh!
Ach tha mo shùil ri Slàmuighear
Bha gràsmhor fad mo chuairt;
'Sa threòraich troimh an fhàsach mi,
Nach fàg e mi 'san uair;
Ach fòs gu'n dean e teasairginn
Dhomh féin 'san t-seasamh chruaidh,
'S gu'n soult e dhomh na huisreachan

Dhomh féin 'san t-seasamh chruaidh,
'S gu'n sgoilt e dhomh na h-uisgeachan,
Gu ruig mi null le buaidh.

Ach O! 'm faigh neach cho gràineil rium, 'S do nàdur cho mi-naomh, A chaoidh a steach 'n a làthair-san

Tha àillidh glan gun ghaoid? Ach glanaidh fuil an t-Slànuigheir Mo ghràinealachd gu saor;

Is gheibh mi 'n sin do 'n àros ud 'Sam bheil muir-làn a' Ghaoil.

29. PARRAS.

Cha'n iarr iad solus coinnle, 'Gan treòrach' feadh na h-oighreachd: An t-Uan bidh dhoibh 'na shoillse; 'San oidheh' cha tig gu bràth orr'.

Tha craobh na beatha fial doibh; Is toradh nuadh gach mìos oirr'; Is milis dhoibh mar bhiadh i, O'n mhiannaich iad fo sgàile.

Bhos chuir iad sìol gu deurach; Shuas buainidh iad le éibhneas; Gur sgiamhach iad 'nan éideadh: Mar ghréin tha iad a' dealradh.

Bhos chaith iad beatha shònruicht', Tre chreideamh an Iehòbhah; Nis chi iad e 'na mhòrachd, 'S 'na òirdhearcas mar tha e.

A nis tha iad neo thruaillidh O'n dh' ionnlaid fuil an Uain iad : 'Nan smuaintean cha tig buaireadh : 'S cha bhuadhaich orra Sàtan.

30. SGAOILEADH.

("Dismiss us with Thy blessing, Lord.")

A Thighearn biodh do bheannachd leinn; Do chòmhnadh anns gach ceum is teinn; Thoir maitheanas dhuinn anns gach lochd; Gléidh T' fhirinn beò an crì nam bochd.

Tha ciont' oirnn trom, ach 's mòr do ghràs: Thoir saorsa do gach neach an càs: Is crath fuil Iosa air gach cri; 'S thoir dhuinn air fad bhi falbh an sìth.

END OF PART FIRST.





